捣藻堂四庫全書


音薈

要

史部

欽定四庫全書管要史部

詳校官編修臣王天禄



官數上書論時政又上所著文論名試學士院不中 學於終南山舉進士釋褐坊州軍事推官知汧 化金哉術士曰子志若此非吾所及也出户失所之 金者乎就偕試之既驗欲授以方偕曰吾從吏禄安事 漢州軍事判官道遇術士曰君知世有化瓦石為黃 興軍節度推官又上書論陝西邊事復名試不赴 贞 仕廣南劉氏歸朝為坊州司馬因家馬偕少從种放 四届全書 卷三 再

一秘書省著作佐郎為審刑院詳議官再遷太常博

宋經薦為監察御史改殿中侍御史與曹脩古連疏言 金乃言願得與道輔等皆貶不報富民陳氏女選入官 后廢偕與孔道輔范仲淹力爭道輔仲淹既出偕止 劉從德遺奏恩太濫貶太常博士監舒州稅以尚書 文 員 Ē 仕用優賢者不當以寵罪人又數論陛降之弊仁宗 以為后偕復上疏 The state of the control of the cont 雜事馬季良以罪斥置滁州自言得致仕借以 外郎知光州改侍御史為三司度支判官時郭皇 諫上以尚書户部員外郎兼侍御 宋史 一罰 祠

制 明 兵歸衛京師偕言方關中財用乏復增土兵徒耗 書至賊已解去夏竦為陝西經略使請增置土兵易 具反劉平石元孫戰沒惟聞乃偽為書馳告延州 今賊勢方盛雖大增土兵亦未能減戍兵東歸第 廷遣救兵十萬至矣命傍郡縣大具寫糧什器以 年丁母憂願終制不許進龍圖閣直學士知河中府 納之判吏部流內銓徙三司度支副使擢天章閣待 北轉運使按知定州夏守恩贓數萬守恩流荷 南 國 俟 日

惛 士 而 言方今兵不為少尚多而不 44 愈力時陝西議立五保借又以為擾民疏請罷之徙陝 奏 路逃逸及臨陣退縮不稟號令請以軍法從事部 難 又徙河東都轉運使的大選三路之民募為兵偕 敗事欲以兵少為解爾城復奏偕不忠沮邊計偕爭 出 并州 供時論者惟務多兵而 師 臨陣無紀律則士不用命令發農卒赴邊慮 及元昊入冠密韶偕選强壯萬人策應麟 **临論常如此進** 練則其勢易以敗又 樞密直學 团 府 如 復 國

宋史

Ξ

軍事 州 告屯兵謂遷有五利不遷有三害省國用惜民力利 掠 不覺墮笏翌日告疾未幾遂卒於是軍政肅然元昊 請并人大驚畏都轉運使文彦博奏罷之有中官 服 總管赴河外戒日遇賊將戰一稟副總管節度中人 捧檄訴作叱曰汝知違主帥命即斬首乎監軍 河 素横前帥優遇之偕至一 無水泉可守請建新麟州於嵐州 北部脩寧遠砦偕言寧遠砦在河外介麟豐二 繩以法命率所部兵從 有白塔地 怖 預

欽

定四庫全書

卷三百

面 面屬羌遭賊驅骨湯然一空止存孤壘循四支盡廢首 因 據其要則河冰雖合賊不敢逾河而東利三也商旅 餌敢害二也道路艱阻援兵難繼害三也且州之 循不遷 心腹獨存也今契丹又與西賊共謀待冰合來攻 張軍勢利五也今麟州轉輸束獨斗栗費直千錢 也内禦岢嵐石府州沿河一帶賊所出路利二也 以通貨財利四也方河凍時得所屯兵馬五七十)則河東之民困於調發無已時害一也以 往 河 四

決と

日本

As allo :

宋史

O

略 玫 惜哉書奏帝謂輔臣曰麟州古郡也咸平中當經冠兵 大患也况靈夏二州皆漢唐郡 東若朝廷不思禦抖之計而脩寧遠岩是求虚名而忽 (專捕援且曰能用臣言則受命不然則已朝廷不從 軍事二 圍 速脩復寧遠以援麟州明年改左司郎中本路 非不可守令遽欲棄之是将退而以河為界也宜 招討使賜錢五十萬作列六事于朝 一從麟州三以便宜從事四出冗師五募武士 旦棄之一 麟 州何足 罷中 經

Ĺ

年 官 Ŋ 布 累奏不已乃罷知那州從滄州求面論兵事召還令 院復以為左司郎中元昊乞和而不稱臣偕以謂 楯 陽脩蔡襄累章劾奏偕職為從官不思為國討賊 H 法 師 陣於庭善之乃下其法於諸路其後王吉果用 國力日蹙宜權許之徐圖誅滅之計諫官王素 敗元昊於兔毛川久之遷翰林侍讀學士知 環以車内比以楯至是帝命以步卒五百 對偕在并州日常論八陣 圖及進神循劈陣 如 審 連 偕 其 ח

宋史

<u>£</u>

留處京師帝以其章示皆偕不自安乃求知越州道改 助 大言數上書論天下事議者以為迂濶難用與人少合 日襄當緣公事抵我我豈可以私報那又上太平可致 欽 部侍郎 象圖還判太常司農寺改右諫議大夫請老以尚 定四庫全書 元昊不臣之請罪當誅陛下未忍加戮請出之不宜 時襄謁告過杭而輕遊里市或調偕合言於朝 篇帝憐之特贈兵部侍郎偕性剛而忠朴敢 致仕於其歸特賜宴當名問 賜不拜卒遺 書

三沿字聖源大名館陶人少治春秋中進士第試祕書 才早卒 尤喜古今兵法有兵書十五卷集十卷子忱慥皆有雋

省 校書即歷知彭城新昌二縣改相州觀察推官知 縣張知白薦其才擢著作佐郎入為審刑院詳議官

遷太常博士上書論漢唐之初兵華纔定未服治

邊

宗

屈意以講和承平之後武力有餘而外侮不已則

兵治之孝武之於匈奴太宗之於突厥頡利是也宋

宋史

圉 再

商賈而我量不堅兵不練而規 興 策哉夫善禦敵者必思所以務農實邊之計河北 十三為契丹所 七十年而契丹數侵深趙貝魏之間先朝患征調 下根本其民儉書勤苦地方數千里古號豐實令其 巴也故屈已與之盟然彼以戈矛為耒耜 埞 四庫全書 漳 磁名之地並庫水者累遭決溢令皆斥鹵不 水 既斥鹵之田 有餘出征賦者七分而已魏史起鑿 而河内饒足唐至德後 規于盟軟之間豈久安 以剽虜為 為

水 軍 為 E 而 百 屯田 衰者徙之河南孳息者養之民間罷諸坰 牧監養馬數萬徒耗魯豢未當獲其用請擇 者 頃 故沿邊郡縣數獨 パ 爾 其泥數斗古人以為利令人以為害繁乎用 發役卒刑徒田之歲可用獲穀數十萬斛夫 是河北之地雖十有其七而得賦之實者四 四分之力給十萬防秋之師生民不得不困 願募民復十二渠渠復則水分水分則無奔 租 稅而又收監獨地占民田 牧以 其 者 漳 扯 分 自己

į

宋史

と

則 鉑 轉運使規度而通判洺州王軫言漳河岸高水下未 疏導又其流濁不可溉田沿方遷監察御史即上書 民富十 之患以之灌溉可使數郡齊鹵之田變為膏腴如 定 四庫全書 一 說帝雖嘉之而 倍而 **餐車有餘矣以** 不 即行語在河渠志時樞密 此上 馭 敵 何求不可詔 副 是 河

日

嗜

酒

以笏擊從者折

齒

矢口

開

封府陳堯咨判官張宗

脢

稅十二三還為開封府推官又體量河朔饑民所

情事沿皆彈奏之天聖五年安撫關院減諸

縣

銷减 闕 用 不足願勿復謫者七十餘州以律言之皆不至是是 罷 **敕處罪多重於律以絹估罪者較以絡直代之律坐** 幾於古自契丹通好三十年二邊常屯重兵坐耗國 俟詔發官廩濟之就除轉運副使上言本朝制兵刑 未知所以處之請敢河北强壯以代就糧禁卒之 而役者敢黥竄以為卒比諸州上言請卒太多衣 招廂軍以其冗者隸作屯田行之數年禁卒當漸 强 壮悉為精兵矣古者刑平國用中典而比 者

欴

定四車全書 四

宋史

集傳十六卷復上書以春秋論時事授直昭文館為 河 定罪者悉從絹估黥竄為卒者止從見欽此所謂勝殘 以繁文固之而實于理也誠願削深文而用正律以錢 天平景佑諸渠溉田數萬頃因詣闕奏事上所著春秋 殺無待百年者也被認對曹內獄于真定府遷殿中 御史母丧服除改尚書工部員外郎知 轉運使奏罷二牧監以地賦民導相衛形趙水 部副使從鹽鐵遷兵部員外即天章閣待制陝 那 復起為

安撫招討使兼知滑州增屯兵城中監甚乃築西關城 復 已而州果陷進樞密直學士右司即中為涇原路經 學校行鄉飲酒禮遷刑部即中河東都轉運使加龍 取責小人哉豁惡其言奏罷之降知涓州徙成德軍建 鈴轄等議沿即奏減卒數萬知樞密院李語以為不可 下沿邊都監議沿上疏曰兵機當在廊廟之上豈可 轉運使時朝廷將減卒戍就食内地詔與知州總管 直學士知并州時元昊數冠河東建議徙豐州不報 宋史 圖

軍復待制又從河中府卒沿好建明當世事而其論多 率州人東城多張旗幟為疑兵賊遂引去坐懷敏敗復 書戒勿入第背城為砦以贏師誘賊賊至發兵擊之可 五里改淫州觀察使元昊入寇副都總管葛懷敏率兵 為權御史中丞賈昌朝所奏落待制未幾徙知成德 龍 功懷敏不聽進至定川果為所敗賊来勝犯渭州沿 埞 圖閣直學士刑部即中知號州尋降天章閣待 沿教懷敏率兵據瓦亭待之懷敏進兵鎮戎沿 庫全書

文集二十卷唐志二十一卷子鼎 當論以春秋法斷事然真定之獄人以為沿傳致之有 勾當公事數上書論時政得失時天子患吏治多弛監 鼎字鼎臣以進士第累遷太常博士王堯臣領三司舉 語初興河北水利導諸渠溉民田論者以為無益已 邢州民有爭渠水至殺人者然後人知沿所建為利

宋史

發吏至微隱罪無所貸於是所部官吏怨之目為三虎 運使至審決未至軍中怕怕謀劫囚鼎因謂係吏曰吾 E 仲淹等罷鼎與紘綽皆為人所言時鼎提點兩 宗聞之不說後傅惟幾奉使江東戒以母效三虎為 攝事外邑而陰為之備翌日會僚吏置酒如常叛黨 殺軍校劫庫兵應之前一日有告者鼎夜出檄遣軍 知深州王則以貝州及深卒嚴旦以其徒謀以元 動鼎刺得實徐捕首謀十八人送獄獄 具候 浙 刑

芡

四庫全書

監 遷 多 兆 所刻舉不避貴勢召為開封府判官改鹽鐵判官累 司數以為言鼎弗為變徒提點河北刑獄治 司封員外郎 大饑人相食鼎經營賑救頗盡力徙建州其俗生子 以累諸君獨命取囚禁養者數人斬于市衆皆失色 舉鼎為條教禁止時盗販茶鹽者象一 帖然轉運使至囚未決者半訊之皆伏誅明年河 淮南兩浙荆湖制置發運副使內侍 切杖遣之 奸 光四

水德奏請沿汴置舖挽漕舟歲可省卒六萬鼎議以

和史

不 不可永德横獨執政重違其奏乃命三司判官一員 盡盗官米為奸有能居販自贍者市人持以法不肯價 勞逸均夷不能為重輕官軍禁私載舟兵無以自給 出於己凡調發綱吏度漕路遠近定先後為成法於是 用 永德就鼎議發八難永德不能復鼎因疏言陛下幸察 持遺權貴鼎一 用居二年遂以為使前使者多漁市南物因奏計京 臣不宜過聽小人妄有所改以誤國計於是永德言 無所市獨悉意精吏事事無大小必 将 則

欽

定四庫全書

與 栗不以自入奉使契丹得千練散之族人一日盡所 不 其弟當知 擾唯市飲食日用物增直以償事繼母孝教育孤姪 欲增年以圖連仕鼎不可父死分諸子以財鼎悉 一米未當不足也入為三司鹽鐵副使數與包拯爭議 少屈拯素强 通鼎為移州縣督償之舟人有以自給不為奸而 都轉運使從使河東卒鼎性廉不欺當任其子族 臨 然無如之何遷刑部即中天童閣 邛 縣轉運使選攝新繁新繁多職田 宋史 <u>+</u> 待 推

悉無題識其敢進以这於卒初鼎與弟豫皆有才氣好 上書言事仁宗稱之以為豫孟浪鼎所言多可用豫 甚至自奉養儉約當官明敏强直不可撓所為士多知 紀字偉長父錦蔭補將作監主簿知建陽縣强敏有 不事羈檢以大理寺丞知伊闕縣有異政棄官浮游 鍋至路州八義館疾作不知人事左右建處發樂愈 有終身不識者然性猜忌其行部至于樂餌皆手自 問殖貨自給以卒

金

灾

周台 1

權發遣度支判官盗起京西掠商鄧均房焚光化軍授 外事者以為牧守使經制邊事改通判真州徒知解州 接邑管内制廣源外控交肚願擇文臣識權變練達領 牧守非才横為邕欽廉三郡咽喉地勢險阻可屯兵為 界遷尚書虞部員外郎知横州時安化蠻冠邊殺知宜 才閩俗老而生子輒不樂把使五保相察犯者得重罪 王世寧出兵討之犯言嶺南諸郡無城郭甲兵之備

京西轉運按察使居數月賊平會廣西區希範誘白崖

宋史

辘 카 山蠻蒙趕及有眾數千襲破環州帶溪普義鎮寧砦嶺 蠻無至者杞得州校出獄囚脫其械使入洞說賊不 趕來降杞謂 能懷所以數叛不如盡殺之乃擊牛馬為曼陀羅酒 首百餘級復環州賊散走希範走荔波洞把遣使 撫使行次真州先遣急遞以書諭蠻聽其自新次宜 乃勒兵攻破白崖黄泥九居山砦及五峒焚毀積聚 然捏刑部員外郎直集賢院廣南西路轉運按察 将佐日賊以窮蹙降我威不足制

歃

定四庫全書

以遺諸蠻因老病而釋者總百餘人御史梅擊刻犯殺 大會環州伏兵發誅七十餘人後三日又得希範醢之 降失信韶戒諭之為兩浙轉運使明年徒河北拜天童 韶責祀祀言彼違誓舉兵首不可與因移檄夏人不 首率眾千餘內附夏人以兵索酋而劫邊戸掠馬牛有 也得罪不敢辭將吏勞未錄臣未敢受命因為行賞養 待制環慶路經略安撫使知慶州把上言殺降者臣 掠則首不可得既而兵亦罷去札性强記博覽書傳 償

烫

E 9

الما مسة به العد

宋史

十四

前此御史中丞王舉正留百官班論張完佐除宣嶽 皇后母越國夫人客也坐奸利論死語連越國夫人 陰陽數術之學自言吾年四十六死矣一 少府監弟樞亦强敏為比部員外郎有張彦方者温 未幾卒有奏議十二卷兄植以文雅 範與趕在前訴冤叱曰爾狂僭叛命法當誅尚敢 極揚言將駁正亟改用諫官陳升之權俸切齒於 不敢窮治執政以后故亦不復話獄上中書遣樞 知名累任監司 日據厠 訴

税卒 極當出班問其故至是盖累月矣坐是罪樞絀監衝

秘書省校書郎并州錄事參軍再遷大理寺丞知岳 慶歷三年湖南猺人唐和等劫掠州縣擢殿中丞提 政字樂道保静軍節度使重勛之曾孫進士及第授 路刑獄專治盜賊事乃募才勇深入峒討擊然南方

畋 路巖下籍淺草得不死卒 属象平六峒以功遷太常 久不識兵士卒多畏懾及戰孤漿峒前軍國大兵悉潰

E 1.5

宋史



使 出嶺 穴其勢不久必復亂明年春賊果復出陽山畋 出 士未幾坐部將胡元戰死降知太平州歲餘賊益肆 曰 恐畏踰嶺南遁又韶往 不可乃授東染院使荆湖南路兵馬鈴轄賊聞畋 御史按視還言政當戰山下人樂為用令欲珍 正居台里 峒 剽 授 外涉夏秋凡十五戰賊潰败感瘴疾歸蠻平 攻湖廣七年所殺不可勝計今使飽貲糧 田為民而轉運使欲授以官與貲納質使還 韶連等州招安之乃

万

卷三百

倫 都 司户部判官奉使河東丁父憂會儂智高陷邕州召至 還舊官改尚書屯田員外郎直史館知隨州召還為三 王從政退保韶州賊勢愈熾畋不能抗遂殺將偕王正 將濟政令蘇緘棄英州將偕焚糧儲及召幵資本宗関 敗陳曙復據邕州畋坐是落知諫院知鄂州再降為 賊盗畋至韶州會張忠戰死智高自廣州回軍沙頭 即 外辭以喪服不敢見仁宗賜以服飾 日除起居舍人知諫院廣南東西路體量安撫 御中入對

J. J., 💇/

宋史

十六

侍膳禁中為宗廟計嘉祐三年冬河北地震明年日食 正旦復上疏曰漢成帝時日食地震哀平之世嫡嗣 遷吏部員外即奉使契丹以曾伯祖業當陷北解不行 邠 屯 同書奏聞外議籍籍又密陳其不可久之擢天章 北舊以土絹給軍裝三司使張方平易以他州 州復起居舍人為河東轉運使入為三司户部副 田員外郎 贞 兼侍讀判吏部流內銓上言願擇宗室之賢者使 四月在書 知光化軍明年又降為太常博士歲終徒 絹

畋當草制封還詞頭因言祖宗故事郭進戍西山董遵 進龍圖閣直學士復知諫院嘉祐六年京師大水畋上 為是當罷狗等所遷官倘以為非乞復令政命詞不允 祖宗意不報詔他舎人草制而范鎮言朝廷如以畋言 制 語李珣自防禦使選觀察劉永年自團練使遷防禦 重名器也今珣等無尺寸功特以外戚故除之恐 姚内斌守環慶與强冠對壘各十餘年未當轉官移 宋史 之 非

此天所以示戒也陛下宜早立皇嗣以答天意改知

罰常水去年夏秋之交久雨傷稼澶州河决東南數 言洪範五行傳簡宗廟則水不潤下又曰聽之不聰 鉝 水為珍陛下臨御以來容受直諫非聽之不聽也以 之聽必有失於審者七廟之享必有失於順者惟陛 以太祖皇帝定配改温成廟為祠殿舊制內侍十 三聖並侑温成皇后立廟皆違經禮於是詔自今南 事親非簡於宗廟也然而災異數見臣愚殆以為萬 定匹庫全書 思而矯正之乃下其章禮官并兩制考議咸言南

倍其年議者謂政以士人比闡寺為失卒贈右諫議 蠻家問至即焚之與士卒同甘苦破諸峒及用之 有南 夫贬出於將家折節喜學問為士大夫所稱在山下討 其歲考遂詔南班以上仍舊制無勢而當坐罪徙者即 遷官樞密院以為僥倖乃更定歲數倍之畋言文臣 遷而內侍始得一磨勘為不均宜如文武官僚例增 無功斥名稱遂哀性清介謹畏每奏事必發封數

宋史

大

後上之自奉甚約為郡待客雖監司菜果數器而已

及卒家無餘貨特賜黃金二百兩其後端平贈講讀官 白書扇遣使特賜置其柩

書判改祕書省著作佐即通判戎州俗不知醫病者以 湛字文淵鄧州穰人進士甲科為開州推官中身言 讓 还祝為事 湛取古方書刻石教之禁為巫者自是

用醫樂界逐尚書都官員外郎知度州提點廣南

搜捕又聽其自陳得男女二千六百人給飲食還其 刑獄初江湖民略良人鬻領外為奴婢湛至設方

江 萬還為戶部判官又為變州路轉運使雲安鹽井歲 其跪名挾佃之類十二事且許民自言凡括隱户三 南西路轉運使州縣簿領案情清混無紀次且多 詔下其法諸路又以徭賦不均百姓巧于避匿因 民訴訟無所質至久不能決湛為立號以月日比 離析為弊欺湛為立勘同法歲減天下計帳七千為 利不及民港奏罷之為鹽鐵判官三司帳籍浩煩

宋史

九九

家徙京西路鄧州美陽堰歲役工數十萬既州縣

灣港役三千萬工鑿河十里以避之人以為利除度 民新茅至破產責不已湛為蠲鹽課而省輸新茅判 歃 一使舊制發運司保任軍將至三司不得考覆而皆遷 識其姓名大江歷舒州長風沙其地最險謂之石 敢尚附權要以謀進身湛治煩劇能得其要所至喜 勾院以太常少卿直昭文館為江淮制置發運使陛 定四庫全書 上利害前後至數十百事天資强記吏胥滿前 仁宗誠以母納苞苴于京師湛惶恐對曰臣蒙聖

直 大夫使其丹解不行知襄州襄人不善陶瓦率為竹 之至是以名上者三十五人湛盡覆其濫者拜右諫 民以信乃奉法行事百姓自知罪不敢訴郡 温夏竦子壻也竦邱店最廣故加醬於移且謂湛伐 百姓侵官而主司禁之其職然也况聞湛明著律 徹 久侵據官道簷無相逼火數為害湛至度其所侵悉 之自是無人患然豪姓不便提點刑狱李楊奏湛 知相州右司諫吳及疏日湛裁損居民第為官 從事高

Ł

VI) OF THE TY THE INT

宋史

丰

木若干株昔之民居侵越官道木在道側既正其侵地 嚴火禁又于民居得衆汲舊井四廢而復興人得其 追改是傷風敗俗貽患于後不若追改之愈也湛守 大臣辨正湛楊是非明垂獎點若謂湛已行之命憚 道傍之井及在民居之下其侵越豈不白乎望韶執 本在中衛固宜剪去又湛種楸桐千餘本課戶貯水 勘邪未幾卒湛為人脫易少威儀然善射弩雖隔 於湛不為重輕但國家舉錯有所未安奉職者

畫地居軍民為府舍倉庫溝渠墨肆之類民皆便之 徐的字公準建州建安人擢進士第補欽州軍事推官 土煩鬱人多死瘴癘的見轉運使鄭天監請曰徙州 務以食餓者累遷尚書屯田員外郎 理寺丞知吳縣移梁山軍通判常州屬歲饑出米為 短衣持挺與役夫同勞苦築城郭立樓櫓以備戰守 水可無患請轉而上聞從之天監因奏留的使辦 知臨江軍權

). 1.5 🐙/

宋史

Ī

屋亦中的云

自 命奏復澄海忠敢軍後皆獲其用改知舒州徙荆湖 夜十數發的籍其惡少年姓名使相保任日爾輩 轉運使辰州蠻彭士義為冠的開示思信蠻黨悔 察不然皆爾罪也火遂息太子洗馬歐陽景猾横 可立功以自贖若朝叛則夕死非計也衆皆飲手 西 灾四月全 1 路提點刑獄安化州蠻攻殺将吏所部卒畏誅謀 ,馳騎至宜州慰晓之日爾曹七懼能出力討 江陵府事城中多惡少年欲為盗輒夜縱火火

直 掠 會蠻首相繼出降三司以郊祠近宜召還計事既還蠻 得錢八百萬縣遂為制置發運使軍賊王倫起山東轉 厯 陽的與賞遷工部即中復治秦州西溪河發積鹽加 詔未下的以便宜調兵夫濟治之出滞鹽三百萬計 淮南的團兵待之會青州改遣裨將傅永吉追殺之 **船文館區希範蒙趕冠衡湘命的招撫之既至再宿** 宋史

南江浙荆湖制置發運副使奏通泰州海安如阜縣漕

法為里人害的發其好竄之續外以兵部員外郎為淮

策畫論議有得有失固皆一時之俊畋由將家子力學 其欽景石破華陰水頭諸洞不降者的皆討平之斬其 宜 一熊可清等十餘級卒於桂陽 叛除度支副使判湖南路安撫使至桂陽降者復東 州蠻立功杞則殺降失信的則招來以思其優劣 見矣湛强敏所至有治績史稱善射抑亦文臣之 進士再討搖賊前勝後敗兵家之常也把的俱以 日宋承平時書生知兵者盖寡偕沿數上書言邊事 習 延

復

芡

四月日明

卷三

胥當有求而其夫不應以為里胥殺之官捕繫辭服 姚 目 俗有生子不舉者斬禁之獨發摘吏好貽衆怒或以虎 捏進士第補許州司 疑其枉知州王嗣宗怒曰若敢以身任之耶 馬父聯舉進士第一官至著作佐郎仲孫早孤事母 之豈其然乎 孫字茂宗本曹南若姓曾祖仁嗣陳州商水令因 理參軍民婦馬氏夫被殺指

2

. ; **(1)**

宋史

丰

武事者歟鼎性孝友自奉甚約而疎於財居官清辨

倉邑人利之徒通判彭州當以天下久無事不可以 主吏至破産不能償仲孫為券吏民輸山木即高阜為 滁州歲旱機有詔發官粟以販民而主吏不時給 州更二守皆惛老事多决於仲孫改大理寺丞知 資州轉運使機仲孫詣富順監按疑 縣初建昌運茶抵南康或露積于道間為霖涂所 埞 毋遽决冀得徐辨後兩月果得殺人者調刑 四庫全書 | 因上前世禦我料敵之策名防邊龜鑑通判睦 獄全活數十 推官 建

文應寅毒者出文應為泰州兵馬鈴轄又稱疾留復論 乃函去以起居舎人知諫院管勾國子監以尚書戶 諫議大夫盖朝廷之選不宜以歲月序進令諸寺 員外郎兼侍御史知雜事時諫議大夫十二員仲孫 閻文應求為都知仲孫數其罪白上日方帝齊宿 外郎王體守益州辟通判州事召為右司諫入内 而文應叱醫官聲聞行在郭皇后暴薨中外莫不疑). . . . · · 宋史 苦

既至州立劾主吏夜索丁籍盡給之累遷尚書屯田

役堤上埽一夕復完權知大名府夜領禁兵塞金堤决 使進天章閣待制河北都轉運使大修城壘兵备 前行郎中三十五員貼近職者猶不在數若以年勞 默之即韶仲孫司考課之法歷三司户部度支鹽鐵 **反匹庫全書** 詔褒之權知澶州河壞明公婦絕浮橋仲孫親 數年之外諫議大夫員益多請艱其選以處材望 餘悉次補卵監乃詔當選者奏聽古先是諸路復 刑獄還朝多擢為省府官仲孫請第其課為三等

二十餘年朝廷有大獄疑必召與議太素為推原人 太素字仲華河南猴氏人中進士第當為大理評 目 入審刑為詳議官權大理少卿又判大理事任刑

未當輕廢事坐小吏詐為文符出知然州因母憂喪

|兵益屯及賞賜聘問之費不可勝計仲孫悉心經度雖

徙陕西都轉運使未行權三司使事屬西北備邊

是歲遭魏雖大水民不及患進禮部即中龍圖閣學

曲 克 弟或止之答日图圖之苦豈不甚于我也歷知江陰軍 欽 當法 名常以為有司議法當據文直斷不可求曲當法求 許累官至尚書兵部郎中卒太素家行修治尤善論 定四庫全書 ,大理寺以明習法律稱歷提點兩 法意衆皆釋然自以為不及雖號明習法令然 明州有治迹在大理耳疾數求罷執政以為任 亦或有不中每臨案贖至忘寢食大寒暑不變子 所以亂也同時有馬尋者須城人舉毛詩學究 浙陝西刑 . 職

杜 有殺名尚無殺名而用殺法則與謀殺孰辨自大中 會者濮州人為吏號知法當言國朝因唐大中制 心積慮陰致賊害爾至於故殺初無殺意須其己 人者刑先王不易之典律雖謀殺已傷則紋蓋甚 雖已傷未死已傷更生皆論 data 🔰 宋史 如已殺夫殺人者 卖

k

٤

Э Ē <u>}</u> 饑人或羣入富家掠困栗獄吏鞫以强盗尋曰此脫

淮南兩浙轉運使知湖撫汝襄洪宣鄧滑八州襄州

其情與强盗異奏得減死論者為例終司農卿又有

前承古辭不拜時偽官皆入留京師而寅母獨在江 安父寅有清節仕江南李氏至諸司使江南國除授殿 棄官以歸虚己亦中進士第歷沈邱縣尉知城固縣改 乃遣其長子歸養舉進士起家為衛州司理參軍母老 李虚已字公受五世祖盈自光州從王潮徙閩遂家建 限内者論如已殺勿赦皆著為令 制行不知殺幾何人矣請格勿用又言近世赦令殺 已傷未死者皆得原減非律意請傷者從律保辜法

實錢命有司擇羣臣以治最聞者賜之仍諭曰除 官祭親事生奉書為郡 要 攺. 賜 遂 子遭遇祭及祖母帝院為批其紙尾曰虚已學古 在乎奉法不可因以生事時虚已被賜因獻詩自陳 已奉法除奸惠愛臨民者乃可書為勞績月給奉以 五品服又賜其祖母錢五十萬命翰林學士張泊 州時太宗勵精政事當手書累二十餘紙日公 欲布新規朕得良二千石矣遂

宋史

き

理評事累遷殿中丞提舉淮南茶場名知樂州未行

遂臨 會遣使察川峽吏能否而州多不治唯虚已與辞頹 親 **膵查道數人以能任職稱再遷尚書屯田員** 妻虚已又請罷其妻封以授祖母韶悉封之世以為祭 兩 一雙舉迎侍寅至豫章樂其山水曰此可以終吾身也 制三館 路刑獄徙淮南轉運副使累遷兵部即中為龍 州之東湖築第字以居虚己為侍御史出提點 通判洪州是時寅已謝歸春秋高寅母尚無悉虚 儒臣編閱所批韶其後以南郊思封羣臣母 外郎 邵 荆 便 圖

定匹

庫

全書

卷三百

由是紹羣臣以章獻者問門勿受皆由中書門下閱而 嘉予錢五十編矣宰相對以所予乃五十萬帝知其誤 待制歷判大理寺久之求補外真宗稱其儒雅循謹 六十九其季虚舟仕至餘干縣令坐法免官不復言 遷右諫議大夫數月出知河中府台權御史中丞未 初太宗既賜虚已錢翌日以語宰相曰虚己詩思可 分司南京卒初寅之請老年未六十虚己分司 以疾辭進給事中知洪州遷尚書工部侍郎徙池州 而歸

宋史

兲

쉾 虚舟又以孝友清慎世其家虚舟之子寬為尚書金 定四庫全書 '然論者謂虛已父子篤行家甚貧雖人主一時之 天賜也寅事親孝治家有法閨門之内肅如也虚 卷三百

,即中定為司農少卿為吏頗有能名虛已喜為詩數 詞 年進士曾致堯及其壻晏殊唱和初致堯謂曰子 雖工而音韻猶啞虚已未悟後得沈休文所

累遷工部 章待罪詔獎之提點江西刑獄徙江東就除轉運使入 使子孫因為熊人傅進士及第稍遷秘書省著作佐 州會歲饑貽書發運使求貸糧不報因數日民轉死 奉符縣時方脩會真官天書觀及增治岳祠以辦事 矣報可待耶乃發上供倉栗脈貸所活以萬計因 賜錢二十萬宰相向敏中冊東岳帝號還薦之知楚 三司鹽鐵判官會河決濟北民多被害命安撫京東 郎中出為两浙轉運使改荆湖北路復為 宋史

召還屬西京奏兵食乏因言馮姆華陰積栗多可運二 判官再遷兵部為陝西轉運使從江淮發運使未至 定四庫全書

府逾月為右諫議大夫徙青州遷給事中知鄆州 内銓進三司度支副使以疾請外遷太常少卿 萬石繇三門下濟之遂留為侍御史知雜事判吏部 矢口

應天府遂以工部侍郎致仕卒傅强力治事七為監

吾所以事事致察者正所以爱州縣也吏不敢慢 所至審覈簿書勾擿奸隱州縣憚之傅曰奚為我

語 百歲少時當游秦悼王家思見唐肅宗代宗朝由是出 士第獻可有吏稱歷吏部即中龍圖閣待制獻即起家 俞獻卿字諫臣欽人少與兄獻可以文學知名皆中進 禁中見尊重人無敢詰其偽傅見之訊以唐事術士 安豐縣尉有僧貴寧積財甚厚其徒殺之詣縣給言 屈 縣不復犯法矣人亦以為然天禧中有術士自言數 出遊矣獻柳曰吾與寧善不告而去豈有異乎其徒

灾足日事 公善

宋史

官會宜州陳進亂象州守不任事轉運使機獻 盍 擊不勝有死而已奈何棄去初昭州積緡錢鉅萬獻 寺寺丞為本寺詳斷官歷知慎仁和二縣再遷太常博 及至守謀棄城獻卿曰臨難尚免可乎賊至尚當力 言天下穀帛日益耗物價日益高欲民力之不屈不 動因執之得其所落尸一 用 平羅至積穀數萬及是大兵至賴以饋軍改大理 雄 州徙潮州除殿中侍御史為三司鹽鐵判 縣大驚再調昭州軍事推 犯中 往 卿 佐 官

卷三百

困 率管造一切費用皆出於民是以物價積高而民力 多寡賊盗之增減較然可知其利害也况自天禧 得也今天下穀帛之直比祥符初增數倍矣人皆 苗未立而 用較之天禧五年凡官吏之要兄財用之盈縮力 也陛下誠以景徳中西北二邊通好最盛之時 日侈一日又甚于前大危不盈者漏在下木不茂者 聊轉運使務刻剝以增其數歲益一歲又非時 和 雅桑葉未吐而和買自荆 宋史 湖江淮 Ē

官 時邊吏多因事邀功涇原路鈴轄擅於武英州鑿邊 之更立新法歲增鹽課経錢甚衆會其兄為鹽鐵 除無名之費 稱旨他日獻卿在所擬中帝曰此可以除陝西轉運 在內陛下宜知其有損於彼無益於此與公卿大臣 置堡培獻卿度必招冠患函機罷之未幾賊果至 夕圖議而採正之帝納其言為罷諸宫觀兵衛又命 開封府判官朝廷擇陝西轉運使宰相連進數 以鉅萬計准浙鹽利不登命獻即 往 副 經

歃

定四庫全書

卷!

陳從易字簡夫泉州晉江人進士及第為嵐州團練推 應天府以刑部侍郎致仕卒 南歷户部度支鹽鐵副使以右諫議大夫集賢院學士 還判三司鹽鐵勾院界遷尚書刑部即中直史館知荆 范仲淹明鎬可大用及條上邊策甚備除福建轉運使 里民以為便還勾當三班院知通進銀臺司最後 杭州暴風江潮溢決堤獻卿大發卒鑿西山作堤數 į 宋史 圭

将士塞所鑿壕而去徙京西因入對甚言趙振堪將

帥

郃 守械戒其家僮精新舍後曰吾力不足以守當死於 者 聞 名從易預賦詩稱古遷侍御史改刑 武軍預脩冊府元龜改監察御史真宗宴近臣崇 秘書省著作佐郎大理寺詳斷官遷太常博士出 台 再調彭州軍事推官王均盗據成都連陷綿漢諸 定匹庫全書 | 人謀殺兵馬都監以應之時從易攝州事斬其首謀 其有備不敢入境賊平安撫使王欽若以狀 餘黨曉以禍福貫之衆皆呼悅乃率属將吏脩嚴 部員外郎直史 闻 台 郡 矢口

部 司 獄 從 廣 郎 出為 之降直史館明年復職在廣三年以清德聞入為 易 員 凡生者千餘人天禧中坐薦送别頭進士失實降 外郎 14 因 湖南轉運使徙 對自言改福州未行遭父喪服 又坐嘗課校太清樓書字非偽誤而從易妄 《制誥初景徳後文士以 以父老求鄉郡宰相冠准惡其疎已除吉 知荆南擢太常少卿直昭文 雕 靡 相尚一時學者 除糾察在京 館 左 446

?

)

.

Lin W/

宋史

羊

館

知度州會歲大饑有持杖盗取民穀者請

鄉 直少容喜别白是非多面 從易將使湖南欲過之遇汴水旱涸遂告謂曰從 朝廷矯文章之弊故並進二人以風天下兼史館 王欽若最善之當謂人日數日 郡 遷左諫議大夫命使契丹以年老辭不行又辭職 之而從易獨守不變與楊大雅 及廢居南京時丁謂方用事人畏謂無 進龍圖閣直學士知杭州卒從易好學强記為 周台言 折人或尤其過從易終 不見簡夫輒忽忽 相厚善皆好古篤行 敢 往見欽 請 岩 易 不

芡

願 陵之事可以釋憾矣從易對日當以故相事之爾謂 聽 公之門 使 歸館須汴通乃行時冠準貶道州謂又謂從易曰盧 大雅字子正唐靖恭諸楊虞御之後虞卿孫承休唐 西清奏議三卷 色其行志多類 湖外者非獨為貧也亦以王公在宋故就省之 涸義不可從他道進幸公許少留謂 獨君為知我者留權糾察刑獄從易不敢當). 此所著泉山集二十卷中書制豪五 宋史 即大喜曰 三五四 有

颜

į

密據江淮道阻不克歸遂家錢塘大雅承休四世孫 鱼 食不釋卷進士及第歷新息即陵縣主簿改光禄寺 交阯獻犀因奏賦名試遼太常博士久之又上書自 依歸朝望其族寓宋州大雅素好學日誦數萬言雖 祐初以尚書刑部員外郎為吳越國冊禮副使楊 獻所為文復名試直集賢院出知筠袁二州提舉開 定匹庫全書 新昌縣從 知潯州監在京商稅再遷祕書丞成平 卷三百

府界諸縣鎮事為三司鹽鐵判官知越州提點淮

岩市 集賢院學士知亳州卒太雅朴學自信無所阿附直 府還糾察在京刑獄以兵部即中知制語大雅初 世自守大雅嘆曰吾不學乎世而學乎聖人由是 至是避真宗藩部諱詔改之居二歲拜右諫議大夫 州判三司都磨勘司户部勾院遷集賢殿脩撰 刑獄還考試國子監生坐失薦送降監陳州酒徙 此吾之所有不敢以薦於人而當自獻乎天子矣 院二十五年不邊有出其後者往往致榮顯或笑 知應 名

末史

尋曾能知法意理官之良也虚己献即立朝雖微卓榮 易並命知制誥大雅當因轉對上原治十七篇所著大 隱集三十卷西垣集五卷職林二十卷两漢博聞十 雅 拯之及岸冠服盡喪時丁謂鎮金陵遣人遺衣一 辭不受謂以為數宰相王欽若亦不悅之晚與陳從 中使准南循江按部過金陵境上遇風覆舟得榜卒 日仲孫以才力自奮於時論事著效號為能吏太素

歃

定四庫全書

卷三百

		بالمستواف بيانا المواندي	
N (1) 3 and 1. 4 and		辭襲衣之遺卒使權奸愧歉抑又可尚哉	大節及為他官所
宋史		權奸愧歉抑又	至有吏稱若從
N+4;		可尚哉	大節及為他官所至有吏稱若從易拒釋憾之言大雅

欽定四庫全書首要卷五千九百二十九史部 列傳第六十 宋史卷三百一 邊肅 楊日嚴 張秉 元中書 , 梅詢 李行簡 袁 張擇行 右 抗 丞 宋史 相 章頻 馬元方 鄭向 總 徐 裁 起 托 克 陳琰 辞田 郭稹 張青 托 等. 李宥 寇瑊 修 趙賀

於潜縣累遷太常博士三司使魏羽薦為戸部判官祀 邊肅字安國應天府楚丘人進士及第除大理評事知 鄭驤

釤

定匹庫全書]

初置行帳司以會財用之數命肅主之帳成選工部即 南郊超薦尚書度支員外郎帝以三司鉤取無法至道 中真宗幸大名府命肅經度行在糧草改判開拆司出

守備帝在澶州密詔肅若州不可守聽便宜南保他城

知曹州徒邢州會契丹大入先是地屬震城堞推把

之騎傅城下肅與戰小勝契丹莫測也居三日引去時 宗代肅嗣宗與肅有舊隙諷通判東方慶訟肅前在州 當三班院出知天雄軍徒真定府累遷給事中以王嗣 庸匿詔不發督丁壯·東城而闢諸門悉所部兵陣以代 私以公錢貿易規利遣吏殭市民羊買女口自入嗣宗 鎮魏深趙磁名六州閉壁不出老幼趙城者肅悉開門 納之擢樞密直學士徒宣州車駕朝陵徒河南府還勾

宋史

之肅引伏以守城功止奪三官貶岳州團練副使久之 使徒泗州又徙泰州卒子調終尚書兵部員外郎福建 徒武昌安遠軍節度副使起知光州以泰寧軍節度副

梅詢字目言宣州宣城人少好學有辭辯進士及第為

利豐監判官後以秘書省著作佐郎御史臺推勘官預

考進士於崇政殿真宗過殿廬奇其占對詳敏召試中

書除集賢院李繼遷攻靈州急吳淑上書請遣使諭秦

龍以西諸戎使攻繼遷詢亦請以朔方授潘羅支使自 祭等可責其效以贖過凡數十事其言甚此帝欲命知 時契丹數侵河北詢請遣大臣臨邊督戰募遊手擊賊 制語李流力言其險薄望輕不可用後斷田訟失實降 三司户部判官詢自以為遇主知屢上書陳論西北事 又論曹瑋馬知節才可用傅潜楊瓊敗當誅田紹斌王 取帝問誰可使羅支者詢請行未至而靈州陷還為

善寇準徒池州起知廣德軍歷楚壽陝州復直集賢院 子省親疾而馬死奪官一級降通判襄州知鄂州徒蘇 坐議天書出知濠州為湖北轉運使擅假驛馬與邵曄 改直昭文館知荆南擢龍圖閣待制糾察在京刑獄歷 御邇英閣讀正說養民篇覽歷代户口登耗之數顧謂 為翰林侍讀學士產收使累遷給事中知審官院仁宗 州為陝西轉運使坐薦舉朱能貶懷州團練副使又以 圖閣直學士樞客直學士知通進銀臺司判流內銓 The real is the

學士無出外者天禧中張知白罷祭知政事領此職 而仍於奉養至老不衰然數為朝廷言兵在濠州夢人 三司及編脩院檢閱以聞病足出知許州卒故事侍讀 太宗真宗休養百姓天下户口之數蓋倍於前矣因詔 然在目作鑒後王自五代之季生齒彫耗太祖受命而 知大名府非歷二府而出者自詢始詢性下急好進 臣曰今天下民籍幾何詢對曰先帝所作蓋述前代 王恭儉有節則户口充美賦飲無藝則版圖衰減 宋史 始

?)

119

諸將討李繼選關輔轉的瑜瀚海多失亡獨元方所部 年進士及第為韋城縣主簿改大理寺評事知萬年縣 馬元方字景山濮州鄄城人父應圖當知頓丘縣太宗 告口吕丞相至矣既而吕夷簡通判州事故待之甚厚 父尸不得訴於朝上哀之為官其兄元吉元方淳化三 其後援詢於廢斥中以至貴顯夷簡力也 幽州應圖部錫糧沒北庭元方去髮為浮屠間行求 四月全書

芡

苍三百一

全十九以勞遷本寺丞為御史臺推勘官遷殿中丞户

諺也王旦曰元方盡心營職然其性下急且不納僚 知州將信降知宿州下詔切責之徒滑州為京西轉軍 部使陳恕奏為判官元方言方春民貧請預貸庫錢 州改太常博士梓州路轉運使後知鄆州量括牧地數 公事衆論不以為允真宗謂宰臣曰元方在三司何多 項為京東轉運副使選轉運使按部至濮州被酒毆 秋令以絹輸官行之公私果便因下其法諸路知徐 知應天府累選太常少卿握右諫議大夫權三司使

Je dan 💓

宋史

五

薛田字希稷河中河東人少師事种放與魏野友善進 議而醜言武之所以賈怨帝曰僚屬顧不有賢俊邪威 士起家丹州推官李允正知延州辟為從事向敏中至 至兵部侍郎卒 **纤州留再任賜白金五百兩詔中書諭以委屬之意官** 父喪經度制置使陳堯叟奏起通判陝州還拜監察御 亦為其材改著作佐郎知中江縣真宗祀汾陰田時居 以煩苛罷進給事中權知開封府以樞密直學士知 灾四月全意

專之數致爭訟田請置交子務以權其出入未報及寇 知益州界遷左司郎中代還知審刑院羌人內寇特遷 城守益州卒奏用其議蜀人便之就除陝西轉運使進 使民間以鐵錢重私為券以便交易謂之交子而富家 殿中侍御史權三司度支判官改侍御史益州路轉軍 昭文館知河南府復入度支為副使使契丹還推龍 閣待制知天雄軍未幾擢知開封府以樞密直學士). 1.15 W 宋史

史以母憂去會犯太清官又用丁謂奏起通判亳州遷

糧城至請募人入米償以鹽軍食遂足而民力舒復招 才盛等復起為盗城設方略擒送京師徒開封推官會 生而眉目美秀權進士授蓬州軍事推官李順餘黨謝 寇城字次公汝州臨汝人初母夢神人授珠吞之而娠 施州蠻叛轉運使移城權領施州先是成兵仰他州飢 不行卒田性頗和厚初以幹敏數為大臣所稱後屢更 右諫議大夫知延州久之以疾徒同州又徒永與軍辭 使所治無赫赫名 卷三百一

諭高州刺史田彦伊子承寶入朝得給印紙為高州官 族未幾溪南蠻復內寇城率衆擒其首領戮之以白为 判官當奏事帝詢施州備禦之術因諭之曰東川控蠻 太常博士通判并州改監察御史真宗祀汾陰王嗣宗 殿中丞通判河南府坐解送諸料失實降監晉州稅以 子弟數百人祭柵守其險要就除大理寺丞知開州遷 夷爾功已武其為朕鎮撫之命為梓州路轉運使晏州 知永興辟權通判專領祠事遷殿中侍御史為開封府

為誓門横竹繁猫犬鷄各一於其上老夷人執刀劒謂 悅等州刺史及八姓鳥蠻首領使斷賊徑用夷法植竹 甲具音樂合兩路兵至江安誘溪監順史箇松南廣移 命部兵多張旗幟瑜山西北趨戎州盡取公私舟載 別逆順不殺汝老少不燒汝欄棚夷人大喜帝遣内 打誓呼曰誓與漢家同心擊賊即刺姓血和酒而飲 給鹽及酒食針梳衣服等付以大榜約大軍至揭榜 縣首斗望劫瀘州燒消井監殺官吏城趨富順監

힜

四周白河

望等始發處勢稍却明日復分三道來拒王師懷信等 干三百人緣清井溪轉屬凡十一陣破之夷人相率來 諸夷競起為邊害矣詔發陝西兵益以白为子弟合六 春燒清井監殺吏民既赦貸其罪復來寇邊聲言朝廷 殿崇班王懷信議攻討招輯之宜城奏夷人當於二年 分兵拔其柵與都巡檢使符承順進戰思晏江口斗 納牛羊銅鼓器械甚衆而斗望猶旅拒不從城命懷 招安得酒食衣服矣若不討除則戎瀘資祭富順監

און בי ויבוד קי קייום ויין

宋史

史召為三司鹽鐵判官逾月出為河北轉運使天禧中 格戰城乘其後大破之斗望衆萬餘聞不能軍溺死者 河決澶淵城視役河上院墊數里衆皆奔潰而城獨留 衆遂降因籍軍之勇悍干人分五都以隸禁軍為寧遠 之一而塞下軍儲不給請行入中鑿頭便羅三說之法 指揮使守消并監更建岩栅溶三壕以環之就加侍御 若須臾水為折去衆頗異之遷工部即中上言契丹 和以來河北減成卒之半而復刺土兵其實益三分

失舉奪一官召權三司使復其官如故時有議茶法者 歲機罷役城言病民者特機獨耳幸調率已集若積之 塞河河平握樞密直學士明年復給事中知秦州又坐 知益州仁宗即位遷給事中城與丁謂厚善帝謂輔臣 州復右諫議大夫會河決徙知滑州總領脩河既而以 曰城有吏幹毋深譴也徒鄧州坐失舉降少府監知金 入為三司度支副使未幾以右諫議大夫集賢院學 年則朽腐為棄物後復與工飲之是重因也乃再詔 宋史

城封口傷居限外事在赦前有司不敢 亂天下法卒免 運茶法豈可以數更帝然之權知開封府成里有歐妻 帝訪以利害城曰議者未知其要爾河北入中兵食皆 頗疎財通音律知術數初附丁謂故少達及謂敗左遷 及登朝以妻封邑回授之朝臣得回封祖母自城始性 至死更赦事發者太后怒曰夫婦齊體奈何歐致死犯 死天聖末再使契丹未行而卒城少孤鞠於祖母王氏 給於商旅若官盡其利則商旅不行而邊民困於飽

定匹庫全書.

暖水河並堤起倉廩以便漕運加直史館徒益州轉運 院出知襄州徙廬鄲二州入為開封府判官使契丹還 為兩浙轉運副使未行會青徐機改京東轉運使因請 官監都進奏院通判毫陳二州判吏部南曹兼登聞鼓 安丘縣三司辟為檢法官遷太理寺及又為本寺檢法 鬱鬱不自得秘書丞彭齊賦喪家狗以刺之 **江淮陝西轉粟五十萬以赈貧民又開清河八十里抵** 日嚴字垂訓河南人進士及第武秘書省校書郎知

1.5

宋史

蜀人因進對猶從容言遠方所宜撫安之無容變法以 益梓利路溪洞馬而不知其實無馬也日嚴皆奏罷之 高其估募輸錢就市為已業人苦其擾又陝西奏收市 使累遷太常少哪以右諫議大夫集賢院學士知河中 遷勾當三班院知通進銀臺司聞後為守者其政不便 有詔析戶版為十等第賦役民以歲租占個官田盧者 使又徒江淮制置發運使還歷三司户部度支鹽鐵副 府加樞密直學士知益州時用兵伐元昊三司急財用

李行簡字易從同州馬翊人家貧刻志於學讀六經每 至夜分寒暑不易又聚木葉學書筆法道勁與里中富 審官院卒日嚴初為益州轉運使無他治能及知益州 不取起家職州司理參軍徒彭州軍事推官陵州富民 人楊士元同學既而同時中進士第士元資遺行簡謝 頗為蜀人所信愛兄日華歷官至太常少卿三司副使

史械囚不謹囚自殺坐是罷府事判太常司農寺同知

生事遷給事中以龍圖閣學士知澶州召權知開封府

陳子美父死繼母許為文書逐出之累訴不得直轉運 尚書刑部即中帝數幸龍圖閣命講周易間訪大臣能 倉栗救之絕又蠲耀州積年連租還權龍圖閣侍制 才真宗雅亦知之再遷侍御史陝西旱蝗命往安撫發 知坊州御史中丞王嗣宗薦為監察御史王旦數稱其 右諫議大夫集賢院學士乾與初改給事中以足疾請 否行簡所對無怨昵各道其所長人以為長者久之拜 檄行簡劾正其獄改秘書省 者作即再遷太常博士 四月全書 知華陽縣黃夢松覆按無所異夢松用此入為監察御 然後書既引伏獄未上而其家人復訴于轉運使更命 辨轉運使使按治之頻視券墨浮朱上曰是必先盗印 遷殿中丞眉州大姓孫延世偽為券奪族人田久不能 自試秘書省校書郎知南昌縣改大理寺丞知九隴 選會詔兄弟母並舉頻即推其弟棄去後六年乃握第 章頻字簡之建州浦城人與弟頔皆以進士試禮部預 外得知河中府徒號州卒

飲定四車至書

忤吉出知宣州改殿中侍御史遷侍御史頻雅善丁謂 謂貶左遷尚書比部員外郎監饒州酒起知信州進刑 士瑶伏誅又詔鞫印州牙校訟鹽井事皇城使劉美依 度支判官青州麻士瑶殺從子温裕并其財遣往按治 陳亳間民部言兵起老幼皆奔命安撫京西還為三司 置諫官御史十二人頻以選得召對稱古擢監察御史 倚后家受財使人市其獄頻請捕繁真宗以后故不問 頻坐不時具獄降監慶州酒徒知長洲縣天禧初增 吏士持甲兵衛送至白溝詔遣其子訪乘傳扈其極以 是或謂鬻之可得緡錢二十餘萬頻疏以為不可徒知 以錦車駕索駝載至中京飲以銀飾棺又具鼓吹羽葆 卒契丹遣内侍就館真祭命接件副使具克荷護其喪 州復入為度支判官累遷刑部即中使契丹至紫漆館 頻子許當被刑而胃奏為秘書省校書即頻坐謫知饒 潭州改廣西轉運使趙宜州守貪暴不法既罷去反訟 部員外郎知福州王氏時賦民官田歲輸租稅而已至

). 11. **19**/

<u>+</u>

陳琰字伯玉澶州臨河人進士及第歷溧陽樂城縣主 訪官三班奉職即許也 **灾匹庫全意**

常博士轉運使盧士倫曹利用婿也怕勢聽獄不以直 簿遷大理寺丞監真定府稅知金堂夏津二縣再遷太 訟者不已付班評決班直之御史知雜韓億聞其事奏

史天聖五年祀南郊中外以為丁謂復還琰上疏曰亂 為監察御史丁父喪哀毀墳木連理憂除遷殿中侍御

常肆逆将而必誅陰懷姦惡有殺無赦丁謂因緣險传

禮魚汗推恩必慮謂潜輸琛貨私結要權假息退荒重 徒重役琰始奏選官監視謂之定計斗面積遷至尚書 使汴倉納糧綱縣量不實操舟者坐亡失所載或杖背 卒無牽復請不原赦帝然之為三司度支判官遷侍御 移善地李德裕止因朋黨不獲生還盧多遜曲事王藩 史歷京西河東河北轉運副使三司户部度支鹽鐵副 師妖術厭魅宫闡易神寝龍岡冀消王氣今裡柴展

1. L. ...

據竊公台賄賂包苴盈於私室威權請謁行彼公朝引

李宥字仲嚴唐之後裔自吳徒青遂為青人祖成五代 工部郎中卒 **灾四月全事**

為實父覺見儒林傳宥幼孤不好弄長讀書屬文不雜 交游舉進士調火山軍判官入館校勘書籍選集賢校 所成人欲求者先為置酒酒酣落筆烟景萬狀世傳以 末以詩酒遊公卿間善摹寫山水至得意處疑非筆墨

甚泉或殺人以米十石給傭者使就獄曰我重賄吏爾 宥疑召問卒伸其枉府舍火宥畏兵亂闔門不救降秘 因對力言遊復故事以諫議大夫知江寧府民有告人 必不死宥得其情論如法提點荆湖刑獄權戶部判官 殺其子者口吾子去家時中若巾今巾是矣民自証服 太常寺舊宗廟五饗輔臣攝事中廢且久止差從官宥 州轉運使判户部勾院知制語糾察在京刑獄同判

書監致仕起分司南京改太子賓客判留司御史臺卒

宥性清介然與物無忤好獎拔士人外族甚貧宥有别 以家界之既死家無餘財官賜錢十萬 定四庫全書

勞賜良厚授右贊善大夫蜀平選知問州太平興國中 張東字孟節氣州新安人父諤字昌言南唐秘書丞通 鄂州宋師南代與州將許昌裔叶議歸於太祖召見

除西州轉運副使先是土人罕習舟楫取峽江中競

渡者給漕運役覆溺常十四五諤建議置威權軍分隸

管勾自是無覆舟之患累遷荆湖江浙等道制置茶鹽

此制其後進改多優遷首曹逐愿舊制矣遷工部即中 鐵判官度支員外郎知制語判吏部銓知審官院唐朝 為宰相趙普所器以弟之子妻之會有為其才得知鄭 州召還直昭文館遷右司諫會以趙昌言為制置茶鹽 之權實甲科解褐將作監及通判宣州遷監察御史深 事南省首曹罕兼掌語多退為行內諸曹郎至是用 東與薛映副之入為右計司河南西道判官俄換鹽 宋史

副使卒秉舉進士儀狀豐麗屬詞敏速善書翰太宗喜

遣與齊州馬應昌濮州張晟往來河上部丁夫鑿凌以 憂起復知河南府景德初徙河陽換澶州車駕將幸河 上又徒知滑州道出幸城東迎謁境上俾預從官侍食 則是先朝失刑矣遂除東左諫議大夫連知賴襄二 依前知制語真宗嗣位進秩兵部即中判昭文館時草 .契丹南渡召歸闕復拜吏部銓拜工部侍郎同知審 鳳翔府訴以母老貧窶詔給裝錢未行改江陵丁母 用官制有項因微累滴於退荒之語上覽之曰若此 **页匹庫全書**

復糾察在京刑獄暴疾卒東典藩府無顯赫譽及再至 為東京留守判官轉禮部侍郎加樞密直學士復知并 官院通進銀臺司糾察在京刑獄復與周起同試東封 44 語戲人不以宿素稱之好飭衣服潔饌具每公宴及 将行懇求御詩為餞上為作五言賜之徒相州九年 原臨事少斷多與賓佐博卖雖久踐中外然無儀檢 友家集會多自望看膳而往家甚貧常質衣以給費 服勤辭學經明行脩舉人出知永與軍府會祀汾陰

 宋史

+

張擇行字行先青州益都人進士起家歷北海臨沂主 欽 定四庫全書

簿自宣州觀察推官為大理寺丞初石亭縣禄機將陵

而舟果覆擇行坐堤上重役婦卒不潰除監察御史殿

中侍御史改言事御史右司諫與唐介包拯共論張堯

佐除節度宣撫兩使不當語甚切又論河北兵多財不

願分兵就食内地不報遷侍御史知雜事權天章閣

塞決河東或登舟以濟擇行獨以為不可皆矣其怯既

集賢院未幾除三司户部判官脩起居注遷度支員外 嬖妄答小婢死外舍擇行以為主命妄答婢於律不當 待制知諫院累遷吏部員外郎御史皆言宰相陳執中 鄭向字公明開封陳留人舉進士中甲科為大理評事 郎為鹽鐵判官出為兩浙轉運副使疏潤州蒜山漕河 御史固迫之因中風不能語除戶部即中集賢殿脩 提舉兖州仙源縣景靈官踰年而卒 判察州界遷尚書屯田員外郎知濠州徒蔡州召試

2

As Also 📝

宋史

時孫奭馬元判監事因奏稹學問通博他選莫能及乃 直學士知杭州卒五代亂亡史册多漏失向著開皇紀 班院使契丹再選兵部即中提點諸司庫務以龍圖閣 抵于江人以為便復為鹽鐵判官權知制語同勾當三 得留居二歲陳堯咨知大名辟簽書府判官事改大理 河南縣主簿除國子監直講議者以其資淺罷還河南 三十卷摭拾遺事頗有補馬 旗字仲微開封祥符人世寓鄭州舉進士中甲科為

部 甚厚既還轉兵部知制語判吏部流內銓擢龍圖閣直 赴中書試講說而積固辭召試學士院為集賢校理馬 使契丹告用兵西鄙契丹厚禮之與同出觀獵延稹射 判官累遷尚書刑部員外即同脩起居注康定元年 知河陽辟為通判徒通判河南府入為三司度支户 發中走免衆皆愕視契丹主遺以所乘馬及他物

寺丞奭等復薦為直講頭出知兖州又薦稹與賈昌朝

學士權知開封府暴感風眩卒稹性和易文思敏瞻尤

AND THE ROLL

宋火

有司博議用馬元等奏聽解官申心喪語在禮志 母亡稹解官服喪知禮院宋郊言稹服喪為過禮詔下 刻意於賦好用經語對頗近於語聚古書畫不計其貨 府元方為并州有勤留之命其宜民可知宥在斬則活 求之婦張悍嫉無子初類幼狐母邊更嫁王氏既而 日嚴行簡臨政視東擇行向稱雖無瑕可指亦皆無 **氓在江寧則直党獄吏之良者與然皆不能無小累** 日肅之守邢以羸兵却敵開門納避難之民功在王

樂迎賀準使由熊門過回旌賀之能也改大理評事鹽 朐縣主簿賀有幹才知州寇準具知賀淳化中調丁壯 趙賀字餘慶開封封丘人少時當喪明久之遇異醫輒 塞澶州決河衆多逸去獨賀全所部而歸臨朐父老張 下滴 固無足議者琰言謂奸邪不當用南郊恩牵復與 **赫赫名詢以厚呂夷簡復致貴顯城頻坐善丁謂並遭** 愈喜飲酒至終日不亂事繼母至孝舉毛詩及第補臨 唐袁高論執盧祀正相類識者韙之

為趙家關謂如關梁不可越也召權三司户部判官真 喜弄法而賀精明吏不敢欺事更被賀多所究詰人目 轉運使尋糾察在京刑獄界遷尚書工部即中提舉諸 安撫京東改殿中丞歷通判明州宿州徙知漢州蜀吏 池吏欺緡錢選賀往解州鈎校出入賀悉得其奸契丹 補度支判官出為京東轉運副使徒京西又徒益州路 入境真宗決策澶淵遣使八人省州縣賀以太子中舍 **页四届全書** .■

司庫務為江淮制置發運使發運司占隸三司軍將分

度支鹽鐵副使知延同秦三州江陵府累遷光禄卿 萬六千戶歲出苗租三十萬遷刑部即中歷三司户部 支渠多湮廢水侵民田詔賀與兩浙轉運使徐奭兼領 其事伐石築堤沒積潦自呉江東赴海流民歸占者二 **歲漕米溢常數一百七十萬蘇州太湖塘岸壞及並海** 分劇易為三等視其功過自裁定由是更巧不能得施 因以商販貧者至不能堪其役賀乃籍諸州物産厚簿 漕船舊皆由主吏自遣受財不平或數得請富饒 宋史

高觀字會之宿州斯人進士起家為嘉與縣主簿後以 孫奭薦改秘書省著作佐郎累遷尚書屯田員外郎通 子宗道終集賢校理 庸薦改官中庸沒無子賀為主葬圖其象歲時祀于家 判宗正寺知鄭蔡壽三州卒在臨朐時用轉運使李中 正寺出知越州坐失舉降知濠州改廬州遷給事中復 判大理寺以右諫議大夫知永與軍徒鄧州嚴餘判宗 四州詔定淮南場茶法觀陳說利害不報權提點利

定四庫全書

鹽鐵副使遷右諫議大夫河東都轉運使加集賢院學 判官歷陝西河北轉運使累遷兵部即中復入户部為 州守張約受財貶通判杭州徙知福州入為三司鹽鐵 親多占田嘉州詔勿收賦覿又極論其不可坐失察嘉 非遠方所宜且得不償失奏罷之王蒙正恃章獻太后 運使徒益州彭州廣碃麗水二峽地出金官者挾富人 路刑獄召為三司户部判官安撫河北還為京西 置場募入夫採取之觀曰聚衆山谷間與外人雜處

轉運使 俞獻可機抗權融州推官督兵糧與謀軍事靈治舟且 因置戍不廢事平特遷衡州推官改大理寺丞累遷國 至抗即楊梅石門兩隘建水栅二據其衝賊不得入後 袁抗字立之洪州南昌人舉進士得同學究出身調陽 判尚書刑部進給事中知單州卒子東常為梓州路 縣主簿薦補桂州司法參軍撫水蠻寇融州轉運使

欽

定四庫全書

子博士知南安軍擢提點廣南東路刑獄浙東叛卒鄂

三千匹抗言蜀民困憊願少紆其力以備秦中他日之 路轉運使徒益州路時三司歲市上供綾錦鹿胎萬 占城還為度支三司判官以尚書金部員外郎為梓 是年郊祀蠲其數之半黎州歲售蠻馬詔擇不任 卻之抗奏朝廷與蠻夷互市非所以取利也金山前 五部落仰此為衣食一旦失利侵侮不知費直幾馬 死者抗獨曰是日風勢趣占城鄰未必死後果得鄰

宋史

鈔閩越轉南海與廣州兵逆戰海中值大風有告鄰

為三司鹽鐵副使時抗老矣為御史所劾罷知宣州累 也臣念蜀久安不敢奉詔尋如舊制除江淮發運使召 徐起字豫之濮州鄄城人舉進士試秘書省校書郎知 善為詩終殿中丞 書至萬卷江西士大夫家鮮及也抗子防少刻属好學 遷光禄少卿分司南京明堂覃恩改少府監卒抗喜藏 川縣積官尚書都官員外知楚州樞密直學士張宗

定四庫全書

象薦之權提點廣南西路刑獄入判三司開拆司歷開

洪州徒兖州有都巡檢虐所部而部兵百餘人持兵至 又移栗以鵙河北京西者凡三百萬與安撫使劉夔不 西知徐州就為轉運使募富室得米十七萬斛賬餓殍 約束禁止之出為荆湖北路轉運使部有戍卒殺人繋 去官吏將校皆出郊旅賀燕飲久之城邑為之空乃下 封三司度支判官館伴契丹使還奏所過州縣使官既 能徒京西又徒江東起請開長淮舊浦以便漕運知 其徒欲却之起聞亟往按誅之分其徒隸他州徒江

其行賜號萬山處士旨進保定軍司法然軍上書轉 徒安平尉前後捕盗三百餘人當與賊關流矢中臂不 張青字仲微懷州河内人父延嘉頗讀書不願仕州上 因 歃 猶手殺數十人權試秘書省校書即知遂城縣遷著 ,湖州卒 按致其首奏罷都巡檢復為度支判官累遷秘書監 下州人大恐起不為動以禍福開諭之衆感泣聽命 定四庫全書 灵 離瑾願補一縣尉捕 三百一 劇賊以自效瑾壯其請為奏

豐縣大募富民輸栗以給餓者既而沒浑河三十里疏 泄支流注与陂為斗門溉田數萬頃外築堤以備水患 佐郎明道中淮南熊自請宰相陳抹荒之策命知安

書屯田員外郎通判府州州依山無外城古將築之州 再遷太常博士知尉氏縣從通判忻州元昊反特遷尚 曰吾州據險敵必不來古不聽城班就寇大至乃聯

庫有雜絲數千段古矯詔賜築城卒卒皆東望呼萬歲

宋史

本補其罅守以强弩中外不相聞者累日人心震恐

舉材堪將師召對改知邢州權提點河東路刑獄范仲 傷者衆隨解去以功遷都官員外即徒知萊州葉清臣 泥覆積草城望見以為水有餘督居民乘城力戰賊死 入判尚書刑部累選光禄卿知路晉二州以老疾權 郎 歐陽脩復言其熱武有謀略除問門使固辭進工部 門率兵擊賊小卻以官軍壁兩傍使民出汲復以渠 疑以救至也州無井民取河水以飲賊、斷其路肯夜 定四庫全書 中知鳳翔府加直史館知梓州以直龍圖閣知荆 卷三百一 南

齊廓字公闢越州會稽人舉進士第自梧州推官累遷 **微潭州鞫繁囚七人為强盗當論死廓訊得其狀非** 太常博士知審刑詳議官知通泰州提點荆湖南路刑 西京御史臺尋卒

州使劾正乃悉免死平陽縣自馬氏時稅民丁錢歲

銀三萬八千兩民生子至壯不敢束髮廓奏蠲除之

定日華全書.

博覽强記當舉賢良方正對策入等越州將堂奏廓及 監卒廓寬柔恭謹人犯之不校弟唐為吉州司理祭軍 於是罷唐令歸侍養廓方使湖南雖置不問然士論薄 唐父母垂老窮居鄉里二子委而之官唐復久不歸省 時人以為長厚入判鹽鐵勾院加史館知荆南府徒明 舒湖三州積官光禄哪直秘閣以疾分司南京改秘書 於聽字士龍河南人登進士第更慶汝鄭秦州推官改

發運使加直史館河北轉運使入為度支副使河決德 周詢刺陝西民兵十餘萬除陝西轉運按察使兼三門 建言蜀人引江水溉田率有禁歲旱利不均宜弛其禁 又言京西早舊禁栗無出國門可且勿禁慶歷中與魚 太常博士知乾州提點益州路刑獄為三司度支判官 入王紀口議欲徒州詔縣往視之還言州不當徒已

劉從德代繼英又表職有善狀進一官尋監左藏庫遷

秘書省著作郎知垣曲縣康繼英辟簽書衛州判官事

閣待制知鳳翔府先是皇甫泌夏安期皆為轉運使 先謫去安期後至不及賞驟固辭不受願命推功與 人復為河北都轉運使累遷尚書工部即中以疾知華 而州果無患又為河北轉運使王則反討平之除天章


定匹庫全書


古道馬若肯沒澤河觀罷採金抗論互市起賑窮敢暴


論曰歷觀數子風跡雖不同其為政愛民謙已利物有


驟推功與人皆無所愧矣趙賀不忘李中庸而齊廓兄

州卒









腾绿監生臣范 栩校對官編修臣樂 謙線校官庶吉士臣張能照